

**Bosna i Hercegovina
Federacija Bosne i Hercegovine
V L A D A**

Samo za službenu upotrebu

Z A P I S N I K

**49. sjednice - tematske sjednice Vlade Federacije Bosne i Hercegovine,
održane 13.03.2025. godine u Sarajevu**

Sarajevo, mart 2025. godine

Z A P I S N I K

**49. sjednice - tematske sjednice Vlade Federacije Bosne i Hercegovine,
održane 13.03.2025. godine u Sarajevu**

Sjednica je počela u 10.30 sati.

Predsjedavao je Nermin Nikšić, premijer.

Sekretar Vlade, gđa. Edita Kalajdžić, konstatirala je da sjednici, osim premijera, Nermina Nikšića, prisustvuju: Toni Kraljević, zamjenik premijera i federalni ministar finansija i Vojin Mijatović, zamjenik premijera i federalni ministar razvoja poduzetništva i obrta, te federalni ministri: Ramo Isak, federalni ministar unutrašnjih poslova, Vedran Škobić, federalni ministar pravde, Vedran Lakić, federalni ministar energije, rudarstva i industrije, Andrijana Katić, federalni ministar prometa i komunikacija, Nedžad Lokmić, federalni ministar za pitanja boraca i invalida odbrambeno-oslobodilačkog rata, Nediljko Rimac, federalni ministar zdravstva, Nerin Dizdar, federalni ministar raseljenih osoba i izbjeglica, Jasna Duraković, federalni ministar obrazovanja i nauke, Sanja Vlasisavljević, federalni ministar kulture i sporta, Kemal Hrnjić, federalni ministar poljoprivrede, vodoprivrede i šumarstva, Željko Nedić, federalni ministar prostornog uređenja i Adnan Delić, federalni ministar rada i socijalne politike.

Odsutni su bili: Nasiha Pozder, federalni ministar okoliša i turizma i Amir Hasičević, federalni ministar trgovine.

Sjednici su prisustvovali: Sanel Buljubašić, v.d. generalni direktor, JP Elektroprivreda BiH d.d. - Sarajevo, Drago Bago v.d. generalni direktor, JP Elektroprivreda HZHB d.d. Mostar, Edis Baković, v.d. direktor, „BH-Gas“ d.o.o. Sarajevo, Dževad Bećirević, izvršni direktor BH Gas “ d.o.o. Sarajevo, Damir Kreso, direktor, "Operator - Terminali Federacije" d.o.o. Sarajevo i Mirza Ustamujić, direktor, Energoinvest d.d. Sarajevo.

Sjednici su prisustvovali: Željko Silađi, direktor Ureda Vlade Federacije Bosne i Hercegovine za zakonodavstvo i usklađenost sa propisima Evropske unije, Samira Demirović, direktor Ureda Vlade Federacije Bosne i Hercegovine za odnose s javnošću, Arijana Huseinović-Ajanović, direktor Ureda premijera Federacije Bosne i Hercegovine, Dario Plavčić, predstavnik Kabineta predsjednice Federacije BiH, Vildana Vejzagić, predstavnik Ureda potpredsjednika Federacije BiH, Mirjana Vučić, pomoćnik federalnog ministra finansija, Josip Nikolić, savjetnik federalnog ministra prometa i komunikacija, Dženita Salihović, savjetnik premijera Federacije BiH, Širaza Brka, šef Odsjeka za pripremu sjednica Vlade i radnih tijela Vlade i zaključke Vlade, Sanela Adžović, šef Odsjeka za saradnju sa Parlamentom i drugim organima i tijelima Federacije BiH, Damjana Zorić, šef Odsjeka za IT podršku, Semir Džafo, stručni saradnik za pripremu sjednica, Jasenka Tica, stručni saradnik u Sektoru za koordinaciju politika i poslova detaširanih ureda Generalnog sekretarijata Vlade Federacije BiH, Dunja Supur-Sahačić, Mirela Kukan i Ognjen Blagojević, predstavnici Ureda Vlade Federacije Bosne i Hercegovine za odnose s javnošću, Lana Rizvanović, predstavnik Federalnog ministarstva energije, rudarstva i industrije.

Vlada je jednoglasno usvojila sljedeći

DNEVNI RED

1. Informacija o stanju u Energetskom sektoru u Federaciji Bosne i Hercegovine, sa Prijedlogom zaključka

Izvjestilac: Vedran Lakić, federalni ministar energije, rudarstva i industrije

**AD.1. Informacija o stanju u Energetskom sektoru u
Federaciji Bosne i Hercegovine, sa Prijedlogom
zaključka**

Vlada je, nakon obavljene rasprave, jednoglasno donijela sljedeći zaključak:

„1. Vlada Federacije Bosne i Hercegovine usvaja Informaciju Federalnog ministarstva energije, rudarstva i industrije o stanju u Energetskom sektoru Federacije Bosne i Hercegovine.

2. Vlada Federacije Bosne i Hercegovine zadužuje Federalno ministarstvo energije, rudarstva i industrije i privredna društva JP Elektroprivreda BiH d.d. Sarajevo, JP Elektroprivreda HZ HB d.d. Mostar, BH-Gas d.o.o. Sarajevo, Operator-Terminali Federacije d.o.o. Sarajevo (Naftni-Terminali Federacije d.o.o. Ploče) i Energoinvest d.d. Sarajevo da, u roku od 15 dana, sačine potpunu informaciju o stanju u Energetskom sektoru koja će se uputiti Parlamentu Federacije Bosne i Hercegovine na razmatranje i usvajanje.

3. Zadužuje se JP Elektroprivreda BiH d.d. Sarajevo da poduzme sve aktivnosti kako bi se osigurale dovoljne količine uglja iz rudnika u Federaciji Bosne i Hercegovine, uključujući popunu depoa planiranim količinama i na propisan način.

4. Ovaj zaključak stupa na snagu danom donošenja.“

Sjednica je završena u 12.15 sati.

Broj: 03-02-486/2025
13.03.2025. godine
Sarajevo